

虚受堂后汉书集解

光武十王列傳第三十二

後漢書四十二

宋

宣

城

太

守范

暉

撰

唐

章

懷

太

子

賢

注

王先謙集解

光武皇帝十一子郭皇后生東海恭王彊沛獻王輔濟南安王康

阜陵質王延中山簡王焉許美人生楚王英光烈皇后生顯宗東

平憲王蒼廣陵思王荆臨淮懷公衡琅邪孝王京

東海恭王彊建武二年立母郭氏為后

集解沈欽韓曰案文少一皇字

彊為皇太

子十七年而郭后廢彊常感感不自安數因左右及諸王陳其懇

誠願備蕃國光武不忍遲回者數歲乃許焉十九年封為東海王

二十八年就國

集解惠棟曰東觀記二十八年十月就國

帝曰彊廢不巳過去就有禮

故優已大封兼食魯郡合二十九縣

集解洪亮吉日續志二郡二十九縣租入倍諸王也今攷

二郡祇十九縣下二字蓋衍文也錢大昕曰郡國志東海十三城
贛榆本屬琅邪實十二城魯國六城并之止十八縣而琅邪郡之
開陽臨沂卽邱縮下邳國之下邳曲陽司吾良成廣陵郡
之海西泰山郡之南城費皆故屬東海故云二十九縣 賜虎賁

旄頭宮殿設鍾簾之縣擬於乘輿虎賁旄頭鍾簾解見光武紀縣音玄 疆臨之國數

上書讓還東海又因皇太子固辭帝不許深嘉歎之曰疆章宣示

公卿初魯恭王好宮室起靈光殿甚壯麗是時猶存恭王名餘景帝之子殿在

今兗州曲阜城中故基東西二十丈南北十二丈高丈餘也集解
惠棟曰水經注孔廟東南五百步有雙闕卽靈光之南闕北百餘
步卽靈光殿東西廊廡別舍中間方七百餘步闕之東北有浴池
方四十許步池中有釣臺方十步池臺悉石也遺基尚整故王延
壽賦云周行數里仰不見日 故詔疆都魯中元元年入朝從封岱山因留京師

明年春帝崩冬歸國永平元年疆病顯宗遣中常侍鉤盾令將太

醫乘驛視疾詔沛王輔濟南王康淮陽王延詣魯及薨集解錢大昭曰王五

月戊寅薨紀作臨命上疏謝曰臣蒙恩得備蕃輔特受二國宮室

禮樂事事殊異巍巍無量訖無報稱而自修不謹連年被疾爲朝

廷憂念皇太后陛下哀憐臣疆感動發中數遣使者太醫令丞方

伎道術絡繹不絕臣伏惟厚恩不知所言臣內自省視氣力羸劣

日夜浸困浸漸也終不復望見闕庭奉承幃幄孤負重恩銜恨黃泉

杜預注左傳云地中之泉故曰黃泉身既天命孤弱復為皇太后陛下憂慮集解通鑑胡注

言身既天死而子孫又貽上之人憂慮也誠悲誠慙集解王補曰袁宏紀此句上有臣特蒙大恩兼大國息政小

人也猥當襲臣後必非所已全利之也集解通鑑胡注息子也政其名袁宏紀政淫欲無行

故疆以為言王補曰袁宏紀此下有如皇太后陛下深為規度誠願還東海郡天恩愍哀臣無

男之故無男無多男也處臣三女小國侯即婦人封侯也若呂后之妹呂

鄼侯之類集解周壽昌曰此注誤也漢制皇女封縣公主視列侯諸王女封鄉亭公主視鄉亭侯疆長女泚陽公主適竇勳泚陽為

縣視列侯故云小國侯也餘二女無考想亦封縣公主矣東漢無婦人封侯之事後東平王蒼五女皆封縣公主亦異數也此

臣宿昔常計私計天恩不敢忘也今天下新罹大憂光武崩也惟陛下加供養皇

太后數進御餐集解王補曰袁宏紀此下有避風氣終始天道臣疆因劣言不能盡意願

太后數進御餐集解王補曰袁宏紀此下有避風氣終始天道臣疆因劣言不能盡意願

竝謝諸王不意永不復相見也天子覽書悲慟

集解惠棟曰東觀記上發魯相所上

檄下牀伏地舉聲盡哀至長樂宮白太后也

從太后出幸津門亭發哀

津門洛陽南面西頭門也一名

津陽門每門皆有亭

使大司空持節護喪事

集解通鑑胡注百官志司空掌水土事大喪掌將校復土今使

護藩王喪殊禮也錢大昕曰袁宏紀馮魴也大字衍

大鴻臚副宗正將作大匠親喪事贈曰

殊禮升龍旄頭鸞輅龍旂虎賁百人

解竝見光武及明帝紀集解先謙曰親官本作視 詔

楚王英趙王栩北海王興館陶公主比陽公主及京師親戚四姓

夫人小侯皆會葬

四姓小侯解見明帝紀夫人蓋小侯之母也

帝追惟彊深執謙儉不

欲厚葬曰違其意於是特詔中常侍杜岑及東海傅相曰王恭謙

好禮曰德自終遣送之物務從約省衣足斂形茅車瓦器物減於

制曰彰王卓爾獨行之志

前書曰卓爾不羣者河間獻王近之矣

將作大匠留起陵

廟彊立十八年年三十四子靖王政嗣政淫欲薄行後中山簡王

薨政詣中山會葬私取簡王姬徐妃又盜迎掖庭出女豫州刺史

魯相奏請誅政有詔削薛縣立四十四年薨子頃王肅嗣永元十

六年封肅弟二十一人皆為列侯肅性謙儉循恭王法度永初中

呂西羌未平上錢二千萬元初中復上縑萬匹呂助國費鄧太后

下詔褒納焉立二十三年薨子孝王臻嗣永建二年封臻二弟敏

儉為鄉侯臻及弟蒸鄉侯儉並有篤行母卒皆吐血毀背背或為瘠集解

先謙曰官本背作背沈欽韓曰莊子背城可以休老皆子斯反亦作揃子淺反玉篇滅也此毀背義同至服練紅兄

弟追念初喪父幼小哀禮有闕因復重行喪制既祥之後而復練也禮記曰練衣黃

裏縗緣縗即紅也縗音七絹反鄭玄注周禮曰淺絳也臻性敦厚有恩常分租秩賑給諸父

昆弟國相籍襄具曰狀聞順帝美之制詔大將軍三公大鴻臚曰

東海王臻曰近蕃之尊少襲王爵膺受多福未知艱難而能克己

率禮集解惠棟曰馬融論語注克己約身也孝敬自然事親盡愛送終竭哀降儀從

士寢苦三年左氏傳曰晏桓子卒晏嬰羸衰斬苴經帶杖菅履食粥居倚廬寢苦枕草其家老曰非大夫之禮也杜預

注云時士及大夫衰服各有不同集解沈欽韓曰雜記鄭注惟大夫以上乃能備儀盡飾士以下則以臣服君之斬衰為其父以臣從君而服之齊衰為其母與兄弟亦以勉人為高行也如禮注則士服為微輕據此詔更以士服為重蓋詔文從晚近之宜杜預解所由起非禮意也安帝紀元初三年聽大臣刺史二千和睦兄石行三年喪是平時貴者反不如禮與雜記所云正相反

弟恤養孤弱至孝純備仁義兼弘朕甚嘉焉夫勸善厲俗為國所

先曩者東平孝王敞兄弟行孝喪母如禮有增戶之封詩云永世

克孝念茲皇祖詩周頌之文克能也今增臻封五千戶儉五百戶光啟土宇

曰酬厥德立三十一年薨子懿王祇嗣集解先謙曰官本祇作祇初平四年遣

子琬至長安奉章獻帝封琬汶陽侯拜為平原相祇立四十四年

薨集解錢大昭曰東海之封至建安時必有廢絕國除之事故獻帝以東海封皇子祇薨又以封皇子敦若云魏室受禪則一

國兩封必無是理蔚宗作傳但見舊史本紀有東海王祇薨之句遂誤以為東海恭王之後殊不知建安五年之東海王祇乃是獻

帝之子見於孔融傳信而有徵也沈欽韓曰錢大昕於孔融傳言東海王祇非獻帝子然孔融有議則祇實獻帝子當云皇子誤出

東海王三字遂至兩傳乖戾至建安十七年乃封皇子為王其時未建太子而立王皆出曹操之意祇未嘗就國則一國兩封庸何

傷乎若五年薨之南陽王馮東子羨嗣二十年魏受禪曰為崇德

侯

沛獻王輔建武十五年封右馮翊公

集解劉敞曰光武紀輔封右翊公此多馮字誤天下亦無

右馮翊郡也錢大昕曰中山王馮傳封左馮翊公與此傳同皆衍文也左翊右翊蓋取嘉名非分馮翊地為左右

十七年

郭后廢為中山太后故徙輔為中山王并食常山郡二十年復徙

封沛王時禁網尚疏諸王皆在京師競修名譽爭禮四方賓客壽

光侯劉鯉更始子也得幸於輔鯉怨劉盆子害其父因輔結客報

殺盆子兄故式侯恭輔坐繫詔獄三日乃得出自是後諸王賓客

多坐刑罰各循法度二十八年就國中元二年封輔子寶為沛侯

集解錢大昕曰沛為王國之名不應更有沛侯疑字有譌

永平元年封寶弟嘉為僮侯

僮縣屬臨淮郡

故城在今泗州宿預縣西南

輔矜嚴有法度好經書善說京氏易

集解先謙曰今泗州東北 集解惠棟曰東觀記永平五年秋京師少雨上御雲臺召王自取卦具自卦以周易林占之其繇曰蟻封穴戶大雨時集明日大雨

上卽以詔書問輔曰道豈有是耶輔上書曰按易卦震之蹇蟻封穴戶大雨將集蹇艮下坎上艮爲山坎爲水山出雲爲雨蟻穴居知雨將至故以蟻爲興文詔報曰善哉王次序之

孝經論語傳及圖讖作五經論時號之曰沛王通論在國謹節終始如一

集解惠棟曰東觀記奉蕃以稱至沒身遵履法度未嘗犯禁爲賢王顯宗敬重數加賞賜

集解先謙曰東觀記沛王楚王來朝就國明帝告諸王傳相王之子年五歲以上皆命帶列侯綬復送綬十

九枚爲諸子在道欲急帶之也立四十六年薨子釐王定嗣

釐音倍下元和二年封定弟十二人爲鄉侯定立十一年薨子節王正

皆同集解惠棟曰正世系作巧沈欽韓曰續天文志正作平唐書世嗣系表及獨孤常州集靈表並作巧表云輔生釐釐生定定生節

節生巧彼文以謚爲名衍出兩代譜牒之無稽如此元興元年封正弟二人爲縣侯正立十

四年薨子孝王廣嗣有固疾安帝詔廣祖母周領王家事周明正

有法禮漢安中薨順帝下詔曰沛王祖母太夫人周秉心淑慎導

王呂仁使光祿大夫贈呂妃印綬廣立三十五年薨子幽王榮嗣

立二十年薨子孝王琮嗣薨子恭王曜嗣薨子契嗣魏受禪呂爲

崇德侯

楚王英呂建武十五年封為楚公十七年進爵為王二十八年就

國母許氏無寵故英國最貧小三十年呂臨淮之取慮須昌二縣

益楚國

取慮縣故城在今泗州下邳縣西南案臨淮無須昌有昌陽縣蓋誤也取慮音秋閭集解洪亮吉日郡國志臨淮亦

無昌陽縣蓋中興時省須昌前志屬東郡錢大昕曰取慮志仍屬

下邳臨淮

蓋楚國既除之後復其舊也先謙曰取慮在今徐州府

西南睢寧縣自顯宗為太子時英常獨歸附太子太子特親愛之及即

龍舒縣屬廬江郡故城在

位數受賞賜永平元年特封英舅子許昌為龍舒侯

今廬江縣西也集解先謙英少時好游俠交通賓客晚節更喜黃

曰今廬州府舒城縣治

集解惠棟曰漢書顏注云晚節猶言末時也洪頤煊曰襄楷

老學傳又聞宮中立黃老浮屠之祠皇甫嵩傳初鉅鹿張角奉事

黃老道畜養弟子拜跪首過劉焉傳李注典略曰以老子五千文

使都習號三國志烏丸傳裴注浮屠經曰浮屠所載與中國老子

經相出入佛經未入中土以為浮屠齋戒祭祀也袁宏漢記浮屠佛

歸於無為又以為人死精神不滅隨復受形生時善惡皆有報應
 故貴行善修道以練精神以至無生而得為佛也佛長丈六尺黃
 金色項中佩日月光變化無方無所不入而大濟羣生初明帝夢
 見金人長大項有日月光以問羣臣或曰西方有神其名曰佛陛
 下所夢得無是乎於是遣使天竺問其道術而圖其形像焉集解
 王鳴盛曰袁紀息也作息心不入下有故能化通萬物六字曰佛
 下有其形長大四字又云有經數千萬言以虛無為宗苞羅精粗
 無所不統善為宏闊勝大之言所求在一體之內而所明在視聽
 之外世俗之人以為虛誕然歸於元微深遠難得而測故王公大
 人觀死生報應之際莫不矍然自失明帝感夢事見西域傳亦見
 魏書釋老志唐聖教序袁紀最在前魏書釋老志謂漢哀帝元壽
 元年博士弟子秦景憲受大月氏王使伊存口授浮屠經未之信
 了也後孝明帝遣郎中蔡愔博士弟子秦景等使天竺得佛經不
 過四十二章而已襄楷當桓帝時上封事所引天神獻女於佛李
 賢注以為出四十二章經是也今此書具存尚覺平實但就楷所
 言繹之漢末佛書恐不止此一種若止此一種則楷安得言之妮
 妮如此又路粹誣奏孔融謂與禰衡放言父之於子當有何親論
 其本意實為情欲發耳子之於母亦復奚為如寄物甌中出則離
 矣此等邪說不出佛書而何至袁宏是東晉人言佛經有千萬言
 則較多於漢世矣然猶未熾盛也王巾簡栖卒於梁天監四年所
 撰頭陀寺碑李善注所引經僅有維摩經僧釋肇注又序又竺
 嚴經法華經華一名妙法蓮華經劉勰法華經注盤經瑞應經勝鬘經金剛般若經
 灌頂經不退轉法經發迹經凡十六部所引論僅有涅槃論華嚴大

智度論百法論僧叡師十二法門序凡四部所引律僅有僧祇律
曇無羅讖凡二部如是而已若圓覺楞嚴等之精深者猶未著也
釋老志又言熙平元年詔遣沙門惠生使西域採諸經律正光三
年冬還京師得經論一百七十部行於世時見通鑑百自魏有天
下至於禪讓佛經流通大集中國凡有四百一十五部合一千九
百一十九卷則其猥冗支蔓亦已甚矣至唐元奘法師往遊西域
十有七年窮歷道邦得三藏要文凡六百五十七部以歸貞觀十
九年二月六日奉敕於宏福寺翻譯布之中夏觀摩則較之南北
朝蓋已數倍之自開元以後南能北秀迭為廢興下迄宋元益不
勝其繇矣秀水朱檢討謂太原縣西五里有山曰風峪風穴存焉
中有北齊天保時所刻佛經凡石柱一百二十有六又謂太原傳
山行平定山中見洞口石刻佛經林立與風峪等皆北齊天保間
刻又房山亦有之隋人刻此三種今皆不可見然
皆在魏後疑有出於一千九百十九卷之外者

死罪皆入縑贖集解惠棟曰袁宏紀八年上臨辟雍禮畢詔天下死罪得以縑贖也英遣郎中令奉

黃縑白紬三十四匹集解惠棟曰東觀記黃縑二十五匹白紬五匹詣國相曰託在蕃輔過

惡累積歡喜天恩奉送縑帛已贖愆辜國相已聞詔報曰楚王誦

黃老之微言尚浮屠之仁祠潔齋三月與神為誓何嫌何疑當有

悔吝其還贖已助伊蒲塞桑門之盛饌伊蒲塞即優婆塞也中華翻為近住言受戒行堪近

僧住也桑門即沙門集解惠棟曰塞即釋也前書西域傳云塞王南君罽賓塞種分散往往為數國自疏勒以西北休循捐毒之屬皆故塞種張騫傳云西擊塞王師古云塞音先得反西域國名即佛經所謂釋種者釋塞聲相近因曰班示諸國

中傳英後遂大交通方士集解惠棟曰論衡云道士劉春熒惑楚王英使食不清案劉春疑即濟南王康

傳劉子作金龜玉鶴刻文字曰為符瑞十三年男子燕廣告英與

漁陽王平顏忠等造作圖書有逆謀事下案驗有司奏英招聚姦

猾造作圖讖擅相官秩置諸侯王公將軍二千石大逆不道請誅

之帝曰親親不忍乃廢英徙丹陽涇縣今宣州縣也集解先謙曰注見明紀賜湯沐

邑五百戶湯沐解見皇后紀也遣大鴻臚持節護送使伎人奴婢工技鼓吹

悉從得乘輜輶輶猶屏也自隱蔽之車蒼頡篇曰衣車也集解先謙曰官本工技作妓士引劉攽曰奴婢妓士案文

妓當作技士當作工又當工在技上上文伎人即是伎樂此工技是巧匠也梁節王傳中亦有工技也持兵弩行道

射獵極意自娛男女為侯主者食邑如故楚太后勿上璽綬留住

楚宮明年英至丹陽自殺立三十三年國除詔遣光祿大夫持節

弔祠贈賙如法加賜列侯印綬曰諸侯禮葬於涇遣中黃門占護

其妻子占護猶守護也集解沈欽韓曰方言占猶瞻也廣雅占視也悉出楚官屬無辭語者制

詔許太后曰國家始聞楚事幸其不然既知審實懷用悼灼庶欲

宥全王身令保卒天年而王不念顧太后竟不自免此天命也無

可奈何太后其保養幼弱勉彊飲食諸許願王富貴人情也集解

曰論衡云許氏與楚王謀議孝明日許氏有屬于王欲王尊貴人情也聖心原之不繩于法已詔有司出其有

謀者令安田宅於是封燕廣為折姦侯楚獄遂至累年其辭語相

連自京師親戚諸侯州郡豪傑及考案吏阿附相陷坐死徙者日

千數十五年帝幸彭城見許太后及英妻子於內殿悲泣感動左

右建初二年肅宗封英子楚侯种集解錢大昕曰當云封英子种楚侯傳寫顛倒耳五弟

皆為列侯竝不得置相臣吏人元和三年許太后薨復遣光祿大

夫持節弔祠因留護喪事賻錢五百萬又遣謁者備王官屬迎英

喪改葬彭城加王赤綬羽蓋華藻如嗣王儀續漢輿服志曰諸侯王赤綬四采長二丈

一尺皇子安車青蓋金華藻追爵諡曰楚厲侯章和元年帝幸彭城見英夫人

及六子厚加贈賜种後徙封六侯六縣名屬廬江郡集解惠棟曰前書志六安國有六縣後漢省

入廬江先謙曰官本六並作陸卒子度嗣度卒子拘嗣傳國於後

濟南安王康建武十五年封濟南公十七年進爵為王二十八年

就國三十年曰平原之祝阿安德朝陽平昌隰陰重丘六縣益濟

南國集解惠棟曰本志及宗俱碑作濕陰前書志作濕陰錢大昕曰朝陽即東朝陽平昌即西平昌隰蓋潔之譌續志無重邱

縣蓋後來所省前志朝陽本屬濟南不知何時改隸平原也中元二年封康子德為東武城侯

東武城屬清河郡今貝州武城縣是康在國不循法度交通賓客其後人上書告康

招來州郡姦猾漁陽顏忠劉子產等又多遺其繒帛案圖書謀議

不軌事下考有司舉奏之顯宗曰親親故不忍窮竟其事但削祝

阿隰陰東朝陽安德西平昌五縣東朝陽在今齊州臨濟縣東西平昌今德州般縣也般音補滿

反巢解惠棟曰東朝陽即上朝陽縣北海有平昌故此加西即上昌平縣當是永平以後所加後復省沈欽韓曰紀要安德今濟南府陵縣西平昌在德平縣東北一里續志脫此縣建初八年肅宗復還所削地康遂多殖

財貨大修宮室奴婢至千四百人廩馬千二百匹私田八百頃奢

侈恣欲游觀無節永元初國傳何敞上疏諫康曰蓋聞諸侯之義

制節謹度然後能保其社稷和其人民集解先謙曰官本人民作民人注有孝經諸侯章之

義也大王曰骨肉之親享食茅土當施張政令明其典法出入進

止宜有期度輿馬臺隸應為科品臺隸賤職也左氏傳曰人有十等王臣公公臣卿卿臣大夫大夫

夫臣士士臣阜阜臣輿輿臣隸隸臣僚僚臣僕僕臣臺也集解惠棟曰科科條也品品制也而今奴婢廩馬皆

有千餘增無用之口曰自蠶食言如蠶之食漸至衰盡也宮婢閉隔失其天性

感亂和氣又多起內第觸犯防禁費曰巨萬巨大也而功猶未

半夫文繁者質荒木勝者人亡荒廢也文彩繁多則質以之廢土木增構則人殫其力故云人亡集

解惠棟曰袁宏紀云夫文繁者質枯木勝則人亡經傳所載也案文質之說見論語晉語云士苗謂知襄子曰今土木勝臣懼其不

安人也室成三年而知氏
亡此木勝人亡之說也
皆非所曰奉禮承上傳福無窮者也故

楚作章華曰凶
左氏傳楚靈王成章華之臺後卒被殺杜預注云臺在今南郡華容縣也吳興姑蘇而

滅
姑蘇臺一名姑胥臺越絕書曰胥門外有九曲路闔廬以游姑蘇之臺以望湖中顧夷吾地記云橫山北有小山路謂姑蘇臺

今在蘇州吳縣西闔廬後被越殺之
集解景公千駟民無稱焉
論語

齊景公有馬千駟死之日人
無德而稱焉千駟四千匹今數游諸第晨夜無節又非所曰遠

防未然臨深履薄之法也願大王修恭儉遵古制省奴婢之口減

乘馬之數斥私田之富節游觀之宴曰禮起居則儆乃敢安心自

保惟大王深慮愚言康素敬重儆雖無所嫌恬然終不能改立五

十九年薨子簡王錯嗣
錯七故反集解先謙曰官本注七上有音字錯為太子時愛康

鼓吹妓女宋閏使醫張尊招之不得錯怒自曰劔刺殺尊國相舉

奏有詔勿案永元十二年封錯弟七人為列侯錯立六年薨子孝

王香嗣永初二年封香弟四人為列侯香篤行好經書初叔父篤